

বাংলা উচ্চারণের নিয়ম

প্রশ্ন ১ : 'অ' ধ্বনি উচ্চারণের ৫টি নিয়ম উদাহরণসহ লেখ। (ঢা.বো. ১৬, দিবো-১৭, ঢাবো-১৭, যবো-১৭, ববো-১৭)

অথবা, অ-এর উচ্চারণ কোন কোন স্থানে ও-এর মতো বা ও-বৎ হয়। অথবা, স্বরধ্বনি উচ্চারণের ৫টি নিয়ম লিখ।

অথবা, বাংলা 'অ' ধ্বনি উচ্চারণের যে কোনো ৫টি নিয়ম উদাহরণসহ লেখ। (কু.বো. চ. বো. ১৬)

উত্তর : অ-এর উচ্চারণ নিম্নলিখিত স্থানে ও-এর মতো হয় : অথবা, নিচে স্বরধ্বনি উচ্চারণের নিয়ম লেখা হলো:

- ১। সাধারণত স্বাধীন অ-কার বা ব্যঞ্জনে-যুক্ত অ-কারের পরবর্তী অক্ষরে ই বা উ ধ্বনি থাকলে, উক্ত অ-কার ও-কারের মতো উচ্চারিত হয়। যেমন: অতি (ওতি), অধিকার (ওধিকার), নদী (নোদি), গরু (গোরু), অনুকূল (ওনুকুল)।
- ২। অ-কারের পর য-ফলা থাকলে অ-কার ও-কারের মতো উচ্চারিত হয়। যেমন: সত্য (সোততো), অধ্যক্ষ (ওদ্যোক্ষো), গদ্য (গোদ্যো), ধন্য (ধোন্যো)।
- ৩। অ-কারের পরে ক্ষ থাকলে অ-কার ও-কার রূপে উচ্চারিত হয়। যেমন: অক্ষ (ওক্ষো), অক্ষাংশ (ওক্ষাংশো), ভক্ষণ (ভোক্ষোন)।
- ৪। অ-কারের পরে জ্ঞ থাকলে অ-কার ও-কার রূপে উচ্চারিত হয়। যেমন: যজ্ঞ (জোগ্যো)।
- ৫। শব্দের আদিতে অ-কার এবং তারপরে ঋ-কার যুক্ত ব্যঞ্জনবর্ণ থাকলে অ-কার সাধারণত ও-কারের মতো উচ্চারিত হয়। যেমন: মসৃণ (মোসৃণ), কর্তৃকারক (কোর্তৃকারোক), যকৃৎ (জোকৃত)।
- ৬। শব্দের আদিতে অ-যুক্ত র-ফলা থাকলে উক্ত অ-এর উচ্চারণ ও-কারের মতো হয়। যেমন: শ্রম (শ্রোম), শ্রবণ (শ্রোবোন), স্রষ্টা (শ্রোশ্টা)।
- ৭। যে সব রেফ-যুক্ত শব্দের বানানে রেফ-এর পরে য-ফলা ছিল, বর্তমানে য-ফলা ব্যবহৃত হয় না, সে সব শব্দের আদ্য এবং মধ্য-অ সাধারণত ও-কারের মতো উচ্চারিত হয়। যেমন: পর্যন্ত (পোর্জোন্তো) < পর্যন্ত, মর্যাদা (মোর্জাদা) < মর্যাদা, সৌন্দর্য (শৌন্দোরজো) < সৌন্দর্য।
- ৮। বাংলা সাধুরীতিতে ব্যবহৃত শব্দ কিংবা ক্রিয়াপদের বানানে ই-কার আছে, কিন্তু চলিত রীতিতে সে ই-কার অনেক ক্ষেত্রে বিলুপ্ত হলেও তার পূর্ববর্তী অ-কার সাধারণত ও-কারের ন্যায় উচ্চারিত হয়। যেমন: রবিবার > রোববার (রোব্বার), বলিয়াছিল > বলেছিল (বোলেছিলো), হইল > হল (হোলো)।
- ৯। একাক্ষর শব্দের আদি-স্থিত ব্যঞ্জনে-যুক্ত অ-কারের পরে দন্ত্য-ন থাকলে, কখনো কখনো অ-কারের উচ্চারণ ও-কারের মতো হয়। যেমন: বন (বোন), মন (মোন), জন (জোন)।
- ১০। সম্ উপসর্গযোগে গঠিত শব্দের আদ্য-অ সংস্কৃতানুসারী উচ্চারণে অবিকৃত অ রূপে উচ্চারিত হলেও বাংলা উচ্চারণে কোন কোন ক্ষেত্রে সে অ-কার ও-কারের মতো উচ্চারিত হয়। যেমন: সন্ন্যাস (শোনাশ), সমীকরণ (শোমিকরোন), সঞ্চিত (শোন্চিতো)।

[ব্যাপক আলোচনার জন্য ১০টি নিয়ম দেয়া হয়েছে, পরীক্ষায় লিখতে হবে ৫টি]

প্রশ্ন ২ : স্বরধ্বনি উচ্চারণের ৫টি নিয়ম লেখ। অথবা, প্রমিত বাংলায় আদ্য 'অ' উচ্চারণের ৫টি নিয়ম লেখ।

উত্তর: নিচে স্বরধ্বনি উচ্চারণের নিয়ম আলোচনা করা হলো: অথবা, নিচে আদ্য 'অ' উচ্চারণের নিয়ম আলোচনা করা হলো:

- ১। সাধারণত স্বাধীন অ-কার বা ব্যঞ্জনে-যুক্ত অ-কারের পরবর্তী অক্ষরে ই- বা উ ধ্বনি থাকলে উক্ত অ-কার ও ও-কারের মতো উচ্চারিত হয়। যেমন: অতি (ওতি), অধিকার (ওধিকার), নদী (নোদি), গরু (গোরু), অনুকূল (ওনুকুল)।
(ব্যতিক্রম: যেখানে নেতিবাচক বা না-অর্থে অ-কার থাকে এবং সহ বা সাথে অর্থে স যুক্ত হয়, সেখানে পরে ই বা উ থাকলেও অ-কারের উচ্চারণ ও-কারের মতো হয় না। যেমন: অবিনাশ (অবিনাশ), সবিনয় (শবিনয়)।)
- ২। অ-কারের পরের অক্ষরে য-ফলা থাকলে অ-কার ও-কারের মতো উচ্চারিত হয়। যেমন:
সত্য (সোততো), অধ্যক্ষ (ওদ্যোক্ষো), গদ্য (গোদ্যো), ধন্য (ধোন্যো)।
(ব্যতিক্রম : তবে, অ-কারের পর যুক্তব্যঞ্জন বর্ণে য-ফলা থাকলে অ-কার ও ও-কারের মতো উচ্চারিত হয় না। যেমন:
অজ্ঞ (অন্তো), মর্ত্য (মরতো), অর্ঘ্য (অর্ঘো), কণ্ঠ্য (কন্ঠো)।)
- ৩। অ-কারের পরে ক্ষ থাকলে অ-কার ও-কার রূপে উচ্চারিত হয়। যেমন:
অক্ষ (ওক্ষো), অক্ষাংশ (ওক্ষাংশো), ভক্ষণ (ভোক্ষোন)।
- ৪। অ-কারের পরে জ্ঞ থাকলে অ-কার ও-কার রূপে উচ্চারিত হয়। যেমন: যজ্ঞ (জোগ্যো)।
ব্যতিক্রম : তবে, অ-কার না-বোধক অর্থে ব্যবহৃত হলে, অ-কার ও-কার রূপে উচ্চারিত হয় না। যেমন: অজ্ঞ (অগ্যো)।
- ৫। অ-কারের পরের অক্ষরে ঋ-কার থাকলে অ-কার সাধারণত ও-কারের মতো উচ্চারিত হয়। যেমন:
মসৃণ (মোসৃণ), কর্তৃকারক (কোর্তৃকারোক), যকৃৎ (জোকৃত)।
- ৬। শব্দের আদিতে অ-যুক্ত র-ফলা থাকলে উক্ত অ-এর উচ্চারণ ও-কারের মতো হয়। যেমন : শ্রম (শ্রোম), শ্রবণ (শ্রোবোন), স্রষ্টা (শ্রোশ্টা)।
- ৭। যে সব রেফ-যুক্ত শব্দের বানানে রেফ-এর পরে য-ফলা ছিল, বর্তমানে য-ফলা ব্যবহৃত হয় না, সে সব শব্দের আদ্য এবং মধ্য-অ সাধারণত ও-কারের মতো উচ্চারিত হয়। যেমন: পর্যন্ত (পোর্জোন্তো) < পর্যন্ত, মর্যাদা (মোর্জাদা) < মর্যাদা, সৌন্দর্য (শৌন্দোরজো) < সৌন্দর্য।
- ৮। বাংলা সাধুরীতিতে ব্যবহৃত শব্দ কিংবা ক্রিয়াপদের বানানে ই-কার আছে, কিন্তু চলিত রীতিতে সে ই-কার অনেক ক্ষেত্রে বিলুপ্ত হলেও তার পূর্ববর্তী অ-কার সাধারণত ও-কারের ন্যায় উচ্চারিত হয়। যেমন : রবিবার > রোববার (রোব্বার), বলিয়াছিল > বলেছিল (বোলেছিলো), হইল > হল (হোলো)।
- ৯। একাক্ষর শব্দের শুরুতে ব্যঞ্জনে যুক্ত অ-কারের পর দন্ত্য-ন থাকলে, কখনো কখনো অ-কারের উচ্চারণ ও-কারের মতো হয়। যেমন : বন (বোন), মন (মোন), জন (জোন)।
- ১০। সম্ উপসর্গযোগে গঠিত শব্দের আদ্য-অ সংস্কৃতানুসারী উচ্চারণে অবিকৃত অ রূপে উচ্চারিত হলেও বাংলা উচ্চারণে কোন কোন ক্ষেত্রে সে অ-কার ও-কারের মতো উচ্চারিত হয়। যেমন: সন্ন্যাস (শোনাশ), সমীকরণ (শোমিকরোন), সঞ্চিত (শোন্চিতো)।

তুমি এ ব্রহ্মাণ্ডে গুপ্তধনের খোঁজ করছো, কিন্তু প্রকৃত গুপ্তধনতো তুমি নিজেই।— জালাল উদ্দিন রুমি

প্রশ্ন ৩ : উদাহরণসহ প্রমিত বাংলায় 'এ'-কার উচ্চারণের ৫টি নিয়ম লেখ। (সি.বো. ১৬, ১৭, রাবি-২০১৯)

উত্তর: বাংলায় 'এ' বর্ণের লিখিত রূপ একটি হলেও এর উচ্চারিত রূপ দুটি। এর একটি হলো সোজা বা সরল উচ্চারণ এবং অন্যটি হলো বাঁকা বা বিকৃত উচ্চারণ। প্রথমটির উদাহরণ হলো- দেহ (দেহো), বেশ (বেশ) ইত্যাদি। দ্বিতীয়টির উদাহরণ হলো- এক (এ্যাক), ক্ষেপা (খ্যাপা) ইত্যাদি। বিভিন্ন ধনিতাত্ত্বিক পরিবেশে 'এ' উচ্চারণের বিভিন্ন নিয়ম আলোচনা করা হলো-

১। বাংলায় তৎসম শব্দের শুরুতে বা প্রথমে এ-কার সোজা বা অবিকৃতভাবে এ-রূপে উচ্চারিত হয়। যেমন:

একান্তর (একান্তর), বেদ (বেদ), কেন্দ্র (কেন্দ্র)।

১। শব্দের শুরুতে বা প্রথমে যদি 'এ'-থাকে এবং 'এ'-এর পরে যদি ই, ঈ, উ, ঊ, এ, ও, য়, র, ল, শ কিংবা হ থাকে তবে 'এ' সোজা বা অবিকৃতভাবে উচ্চারিত হয়। যেমন: একীভূত (একীভূতো), একুশ (একুশ), কেহ (কেহো)।

৩। একাক্ষরিক সর্বনাম পদের এ-কার সাধারণত সোজা বা অবিকৃতভাবে উচ্চারিত হয়। যেমন: সে (শে), কে (কে), যে (জে)।

৪। মূলে ই-কার যুক্ত ধাতুর সঙ্গে আ-কার যুক্ত হলে সে ই-কার অবিকৃত এ-কার রূপে উচ্চারিত হয়। যেমন:

শিখ + আ > শেখা (শেখা), কিন + আ > কেনা (কেনা), লিখ + আ > লেখা (লেখা)।

৫। শব্দের শুরুতে বা প্রথমে এ-কারের পরে অ বা আ থাকলে এ-কার সাধারণত বাঁকা বা এ্যা-কার রূপে উচ্চারিত হয়। যেমন:

এখন (এ্যাখন), একা (এ্যাকা), যেমন (জ্যেমন)।

৬। শব্দের শুরুতে বা প্রথমে এ-কারযুক্ত একাক্ষরিক ধাতুর পরে আ-প্রত্যয় যুক্ত হলে সেই এ-কার সাধারণত বাঁকা বা এ্যা-কার রূপে উচ্চারিত হয়। যেমন: বেচ + আ = বেচা (ব্যেচা), ক্ষেপ + আ = ক্ষেপা (খ্যেপা), খেল + আ = খেলা (খ্যালা)।

৭। কোন শব্দের আদ্য এ-কারের পরে যদি ং, ঙ, ঞ থাকে এবং এই তিনটি বর্ণের পরে যদি ই, ঈ, উ, ঊ থাকে, তবে সে ক্ষেত্রে এ-কার, বাঁকা বা এ্যা-কার রূপে উচ্চারিত হয়। যেমন: বেঙ (ব্যেঙ), বেঙ্গমা (ব্যেঙ্গমা)।

প্রশ্ন ৪: ব-ফলা উচ্চারণের ৫টি নিয়ম লেখ। (দি. বো. ২০১৯)

উত্তর: নিচে ব-ফলা উচ্চারণের ৫টি নিয়ম আলোচনা করা হলো:

১। শব্দের আদিতে যুক্ত ব্যঞ্জননের ব-ফলা সাধারণত উচ্চারিত হয় না। যেমন : স্বদেশ (শদেশ), তুক (তুক), ধনি (ধনি) ইত্যাদি।

২। শব্দের মধ্যে বা অন্তে সংযুক্ত ব্যঞ্জননের সঙ্গে ব-ফলা যুক্ত থাকলে ঐ ব-ফলা উচ্চারিত হয় না। যেমন : সান্ত্বনা (শান্ত্বনা), উচ্ছ্বাস (উচ্ছ্বাশ), উজ্জ্বল (উজ্জল) ইত্যাদি।

৩। শব্দের মধ্যে বা অন্তে ব-ফলা যুক্ত ব্যঞ্জন থাকলে ব্যঞ্জনটির উচ্চারণ দ্বিত্ব হয়। যেমন : বিশ্বাস (বিশ্বাশ), বিদ্বান (বিদ্বান), রাজত্ব (রাজত্বো), অশ্ব (অশ্বো)।

৪। উৎ উপসর্গযোগে গঠিত শব্দের ং (দ)-এর সঙ্গে যুক্ত ব-ফলার ব অবিকৃতভাবে উচ্চারিত হয়। যেমন : উদ্বোধন (উদ্বোধন), উদ্বাস্ত (উদ্বাস্ত), উদ্বাহ (উদ্বাহ), উদ্বৈগ (উদ্বৈগ) ইত্যাদি।

৫। বাংলা শব্দে সন্ধির ফলে ক থেকে আগত গ-এর সঙ্গে ব-ফলা যুক্ত হলে, ঐ ব-এর উচ্চারণ অবিকৃত থাকে। যেমন : দিগ্বিদিক (দিগ্বিদিক), দিগ্বিজয় (দিগ্বিজয়), ঋগ্বেদ (রিগ্বেদ), দিগ্বলয় (দিগ্বলয়) ইত্যাদি।

৬। ম-এর সঙ্গে ব-ফলা যুক্ত হলে, সে ব উচ্চারিত হয়। যেমন : লম্বা (লম্বা), সম্বল (শম্বল/শম্বোল), শম্বুক (শোম্বুক)।

প্রশ্ন ৫: ম-ফলা উচ্চারণের ৫টি নিয়ম লেখ।

উত্তর: নিচে ম-ফলা উচ্চারণের নিয়ম আলোচনা করা হলো:

১। শব্দের আদিতে ব্যঞ্জনে যুক্ত ম-ফলা থাকলে, সে 'ম' উচ্চারিত হয় না ; তবে ম-ফলা যুক্ত ব্যঞ্জনে যে স্বরধ্বনি থাকে, তা সানুনাসিক উচ্চারিত হয় যেমন: শাশান (শাঁশান), স্মারক (শাঁরোক), স্মরণ (শাঁরোন), স্মৃতি (সঁতি) ইত্যাদি।

২। শব্দের মধ্যে বা অন্তে ম-ফলা-যুক্ত ব্যঞ্জননের ম উচ্চারিত হয় না, ব্যঞ্জনটির উচ্চারণ দ্বিত্ব ঘটে এবং ব্যঞ্জনে যুক্ত স্বরটির উচ্চারণ আনুনাসিক হয়। যেমন: ভস্ম (ভশ্মো), রশ্মি (রোশ্মি), আত্মা (আত্মা), পদ্ম (পদ্মো) ইত্যাদি।

৩। শব্দের মধ্যে বা অন্তে 'গ, ঙ, ট, ণ, ন, ম এবং ল'-এর সঙ্গে ম যুক্ত হলে, সে ম উচ্চারিত হয়। যেমন : যুগ্ম (জুগ্মো), বাগ্মী (বাগ্মি), চিন্ময় (চিন্ময়), বাল্মীকি (বাল্মিকি) ইত্যাদি।

৪। সংযুক্ত ব্যঞ্জননের সঙ্গে যুক্ত ম-ফলা উচ্চারিত হয় না, তবে সংযুক্ত ব্যঞ্জনে যুক্ত স্বরধ্বনিটি আনুনাসিক উচ্চারিত হয়। যেমন : সূক্ষ্ম (সুক্খো), লক্ষ্মী (লোক্খি) ইত্যাদি।

৫। বাংলায় কতিপয় ম-ফলা যুক্ত সংস্কৃত শব্দ আছে, যাদের ম-ফলা উচ্চারিত হয়। যেমন : কুম্ভাণ্ড (কুম্ভাণ্ডো), সুম্মিতা (সুম্মিতা), স্মিত (স্মিতো) ইত্যাদি।

প্রশ্ন ৬ : উদাহরণসহ প্রমিত বাংলায় অন্ত্য 'অ' উচ্চারণের ৫টি নিয়ম লেখ। অথবা, স্বরধ্বনি উচ্চারণের ৫টি নিয়ম লেখ।

উত্তর: নিচে অন্ত্য 'অ' উচ্চারণের নিয়ম আলোচনা করা হলো:

১। বাংলায় শব্দের অন্ত্য অ-কার অনেক ক্ষেত্রে অনুচ্চারিত থাকে এবং শেষ বর্ণটি হসন্ত রূপে উচ্চারিত হয়। যেমন : হাত (হাত), কাল (কাল), মান (মান)।

২। বাংলায় কতিপয় বিশেষণ অথবা বিশেষণরূপে ব্যবহৃত পদের অন্ত্যে থাকা অ-কার সাধারণত ও-কার রূপে উচ্চারিত হয়। যেমন: কাল (কালো), ভাল (ভালো), যত (যতো), হেন (হ্যানো)।

৩। আন (আনো) প্রত্যয়ান্ত শব্দের অন্ত্য-অ ও-কারের মতো উচ্চারিত হয়। যেমন : পাঠান (পাঠানো), করান (করানো), দেখান (দেখানো)।

৪। সংখ্যাবাচক শব্দের অন্ত্য-অ রক্ষিত এবং ও-কার রূপে উচ্চারিত হয়। যেমন : এগার (এ্যাগারো), ষোল (শোলো), চৌদ্দ (চৌদ্দো), সতের (শতেরো)।

৫। বাংলায় দ্বিরুক্ত বিশেষণে ও অনুকার শব্দে অন্ত্য অ-কার ও-কার রূপে উচ্চারিত হয়। যেমন: পড়-পড় (পড়ো-পড়ো), কাঁদ-কাঁদ (কাঁদো-কাঁদো), ছল-ছল (ছলো-ছলো)।

৬। 'ত' এবং 'ইত' প্রত্যয়ান্ত বিশেষণ পদের অন্ত্য অ-কার ও-কার রূপে উচ্চারিত হয়। যেমন : গত (গতো), রক্ষিত (রোক্খিতো), পরীক্ষিত (পোরিক্খিতো)।

৭। ই-কার এবং এ-কারের পরে 'য়' এলে সেই 'য়'-এর অ-কার ও-কার রূপে উচ্চারিত হয়। যেমন : প্রিয় (প্রিয়ো), স্মরণীয় (শাঁরোনিয়ো), বরণীয় (বরোনিয়ো)।

৮। বিশেষ্য পদের শেষ অক্ষরে 'হ' থাকলে অন্ত্য-অ-কার ও-কার রূপে উচ্চারিত হয়। যেমন: কলহ (কলহো), বিরহ (বিরহো)।

তুমি এ ব্রহ্মাণ্ডে গুপ্তধনের খোঁজ করছো, কিন্তু প্রকৃত গুপ্তধনতো তুমি নিজেই।- জালাল উদ্দিন রুমি

- ৯। বিশেষণ পদের শেষ অক্ষরে 'ঢ' থাকলে অন্ত্য-অ-কার ও-কার রূপে উচ্চারিত হয়। যেমন: গূঢ় (গুঢ়ো), মূঢ় (মুঢ়ো)।
- ১০। শব্দের অন্ত্য অক্ষরে সংযুক্ত ব্যঞ্জনবর্ণ থাকলে অন্ত্য অ-কার ও-কার রূপে উচ্চারিত হয়। যেমন : ভক্ত (ভকতো), শক্ত (শকতো), ঐতিহ্য (ঐতিহ্যবো), চিহ্ন (চিন্হো), যত্র (জতত্রো)।
- ১১। শব্দের অন্ত্য অ-এর আগে 'ৎ' 'ঙ' থাকলে অন্ত্য অ-কার ও-কার রূপে উচ্চারিত হয়। যেমন : বংশ (বঙশো), বিংশ (বিঙশো), দুগ্ধ (দুগ্ধো)।
- ১২। শব্দের অন্ত্য অ-এর আগে 'ঐ', 'ঔ' এবং 'ঋ'-কার থাকলে অন্ত্য অ-কার ও-কার রূপে উচ্চারিত হয়। যেমন : দৈব (দোইবো), গৌণ (গোউনো), তৃণ (তৃনো), লৌহ (লোউহো)।
- ১৩। 'তর', 'তম' প্রত্যয়যুক্ত বিশেষণ পদের অন্ত্য অ-কার ও-কার উচ্চারিত হয়। যেমন : ভিন্নতর (ভিননোতরো), উচ্চতম (উচ্চোতমো), বৃহত্তর (বৃহত্তরো)।

প্রশ্ন ৭ : মধ্য 'অ' উচ্চারণের ৫টি নিয়ম লেখ। অথবা, স্বরধ্বনি উচ্চারণের ৫টি নিয়ম লেখ।

উত্তর: নিচে মধ্য 'অ'-এর ৫টি নিয়ম আলোচনা করা হলো:

- ১। শব্দের মধ্যে থাকা ব্যঞ্জনে যুক্ত অ-এর পরে ই, ঈ, উ, ঊ, ঋ-কার এবং য-ফলা থাকলে উক্ত অ-কার সাধারণত ও-কারের মতো উচ্চারিত হয়। যেমন : অদম্য (অদোম্যো), কাকলি (কাকোলি), অমসৃণ (অমোসৃণ), জননী (জনোনী)।
- ২। শব্দের মধ্যে থাকা ব্যঞ্জনে যুক্ত অ-এর পরে 'ক্ষ' থাকলে উক্ত অ-কার ও-কারের মতো উচ্চারিত হয়। যেমন : সুদক্ষ (সুদোক্খো), অবক্ষয় (অবোক্খয়) ইত্যাদি।
- ৩। শব্দের মধ্যে থাকা ব্যঞ্জনে যুক্ত অ-এর পরে 'জ্জ' থাকলে উক্ত 'অ'-কার 'ও' কারের মতো উচ্চারিত হয়। যেমন : দৈবজ্জ (দোইবোজ্জো), সর্পযজ্জ (শরপোজোজ্জো) ইত্যাদি।
- ৪। তিন বা তার অধিক বর্ণে গঠিত শব্দের মধ্যস্থিত অ-কারের আগে অ, আ, এ অথবা ও-কার থাকলে ঐ মধ্য-অ ও ও-কারের মতো উচ্চারিত হয়। যেমন: রতন (রতোন), কাজল (কাজোল), কোমল (কোমোল)।
ব্যতিক্রম : এরূপ ক্ষেত্রে আদ্য-অ যদি না-বোধক এবং স যদি সাথে অর্থে ব্যবহৃত হয়, তবে অ অবিকৃত থাকবে। যেমন : অমল (অমল), সজল (সজল), সলজ্জ (শলজ্জো)।
- ৫। বাংলায় কতিপয় সমাসবদ্ধ তৎসম শব্দের মধ্য-অ ও-কার রূপে উচ্চারিত হয়। যেমন : পথচারী (পথোচারি), দীনবন্ধু (দিনোবান্দু), রণতূর্ষ (রনোতুর্ষো)।

প্রমিত উচ্চারণের ক্ষেত্রে নিচের বিষয়গুলো খুবই গুরুত্বপূর্ণ। এগুলো আয়ত্ত করার চেষ্টা করো।

প্রমিত উচ্চারণে কোন ধ্বনি কোন ধ্বনিতে পরিণত হয় তা নিচে দেখানো হলো:

	বানান		উচ্চারণ	মন্তব্য
বানানে যদি থাকে :	'অ'	তবে উচ্চারণে হবে:	'ও' 'ো'	সূত্র অনুযায়ী
বানানে যদি থাকে :	'ঈ'	তবে উচ্চারণে হবে:	'ই'	নিশ্চিত পরিবর্তন
বানানে যদি থাকে :	'ঐ'	তবে উচ্চারণে হবে:	'ঐ'	ঐ
বানানে যদি থাকে :	'উ'	তবে উচ্চারণে হবে:	'উ'	ঐ
বানানে যদি থাকে :	'ঊ'	তবে উচ্চারণে হবে:	'ঊ'	ঐ
বানানে যদি থাকে :	'ঋ'	তবে উচ্চারণে হবে:	'রি' 'ু'	শব্দের শুরুতে 'রি'
বানানে যদি থাকে :	'এ'	তবে উচ্চারণে হবে:	'এ' 'এ্যা'	সূত্র অনুযায়ী
বানানে যদি থাকে :	'ঐ'	তবে উচ্চারণে হবে:	'ওই'	নিশ্চিত পরিবর্তন
বানানে যদি থাকে :	'ঔ'	তবে উচ্চারণে হবে:	'ওউ'	ঐ
বানানে যদি থাকে :	'ং'	তবে উচ্চারণে হবে:	'ঙ'	ঐ
বানানে যদি থাকে :	'এঃ'	তবে উচ্চারণে হবে:	'য়' বা 'ন'	সূত্র অনুযায়ী
বানানে যদি থাকে :	'ণ'	তবে উচ্চারণে হবে:	'ন'	নিশ্চিত পরিবর্তন
বানানে যদি থাকে :	'ব'	তবে উচ্চারণে হবে:	'ও', 'দ্বিত্ব'	সূত্র অনুযায়ী
বানানে যদি থাকে :	'ম'	তবে উচ্চারণে হবে:	'ও', 'দ্বিত্ব'	সূত্র অনুযায়ী
বানানে যদি থাকে :	'য'	তবে উচ্চারণে হবে:	'জ'	নিশ্চিত পরিবর্তন
বানানে যদি থাকে :	'শ'	তবে উচ্চারণে হবে:	'স'	সব সময় নয়
বানানে যদি থাকে :	'স'	তবে উচ্চারণে হবে:	'শ'	সব সময় নয়
বানানে যদি থাকে :	'ষ'	তবে উচ্চারণে হবে:	'শ'	নিশ্চিত পরিবর্তন
বানানে যদি থাকে :	'ঃ'	তবে উচ্চারণে হবে:	দ্বিত্ব (সংশ্লিষ্ট বর্ণ)	নিশ্চিত পরিবর্তন
বানানে যদি থাকে :	'্য'	তবে উচ্চারণে হবে:	দ্বিত্ব (সংশ্লিষ্ট বর্ণ)	ঐ
বানানে যদি থাকে :	'হ্য'	তবে উচ্চারণে হবে:	জ্বো	ঐ

তুমি এ ব্রহ্মাণ্ডে গুণধনের খোঁজ করছো, কিন্তু প্রকৃত গুণধনতো তুমি নিজেই।— জালাল উদ্দিন রুমি

নিচের বাক্যটি মুখস্থ করলে বা মনে রাখলে 'অ' উচ্চারণের ২৭টি নিয়ম মনে রাখা সম্ভব।

অ-এর পর যদি:

ই, ই-কার(ি), ঈ, ঈ-কার(ী), উ, উ-কার(ু), উ, উ-কার(ূ) ঋ, ঋ-কার(ৃ) ক্ষ, জ্ঞ, য-ফলা (য) র-ফলা (র) থাকে তবে অ ও-এর মতো (সংবৃত) উচ্চারিত হয়। যেমন:

সই > শোই, অতি > ওতি, নঈ > নোই, নদী > নোদি, গরু > গোরু, মসৃণ > মোসৃসৃন, অক্ষ > ওক্খো, যজ্ঞ > জোগ্গোঁ, শ্রম > শ্রোম্ ইত্যাদি।

উচ্চারণ নির্ণয়ের জন্য নিচের টিপস বা কৌশলগুলো মনে রাখবে:

১। যুক্ত বর্ণের দ্বিতীয় বর্ণে সাধারণ ও-কার হয়। যেমন: অক্ষ > ওক্খো, যজ্ঞ > জোগ্গোঁ ইত্যাদি।

২। নাসিক্য (ন, ঞ, ম) ধ্বনি লুপ্ত হলে তার স্থলে চন্দ্রবিন্দু হবে। যেমন: যজ্ঞ > জোগ্গোঁ, স্মৃতি > সৃতি ইত্যাদি

৩। একাক্ষরিক শব্দের প্রথম ধ্বনি/বর্ণে ও-কার হবে। যেমন: বন > বোন্, মন > মোন্, গণ > গোন্ ইত্যাদি।

৪। বিসর্গের পর সংশ্লিষ্ট ধ্বনি বা বর্ণ দ্বিত্ব হয়। যেমন: দুঃসাহস > দুঃশাহোশ্, দুঃখ > দুক্খো

৫। নেতিবাচক বা না-সূচক অ-এর উচ্চারণ স্বাভাবিক উচ্চারণ হবে (অ-এর মতোই থাকবে)। যেমন: অবিনাশ > অবিনাশ্, অসীম > অশিম্ ইত্যাদি।

বি. দ্র. উপরে বর্ণিত তালিকা, 'অ' উচ্চারণের ২৭টি নিয়ম, এবং টিপস মনে রাখলে যে কোনো উচ্চারণ খুব সহজেই নির্ণয় করা সম্ভব।

-০-

বি. দ্র. You Tube--এ আমার চ্যানেল onlinereadingroombd এ উল্লিখিত সকল বিষয়ের আলোচনা পাওয়া যাবে।

সুখবর! সুখবর! সুখবর!
 এখন বাজারে পাওয়া যাচ্ছে-
 ২০২১-২০২২ শিক্ষাবর্ষে ভর্তিচ্ছু শিক্ষার্থীদের জন্য
 মুসা স্যারের-
 বিশ্ববিদ্যালয় ভর্তি সহায়ক বাংলা ১ম ও ২য় পত্রের অনন্য সংকলন
‘সহজ বাংলা’
 শীর্ষক গ্রন্থ
 যাতে আছে-
 বিষয়বস্তুর সুন্দর বিন্যাস
 মনে রাখার কৌশল
 গুরুত্বপূর্ণ প্রশ্নের সমাধান।
 পাওয়া যাবে-
 জেলা ও উপজেলা পর্যায়ের বিভিন্ন লাইব্রেরিতে।

এইচএসসি পরীক্ষার যে কোনো বিষয়ের প্রশ্ন অনলাইনে পড়তে এবং MCQ আকারে
 পরীক্ষা দিতে **Visit** কর www.onlinereadingroombd.com